

Remitido Quo Vadis"

(ultimo parti)
di: Directiva di ASOMA

Pa aclarea e asunto di cu ASOMA kier cumpra e "Calypso/Roadmarch Festival", lo nos kier a referi na un carta cu nos a manda pa SAC, den cual nos a ofrece SAC un suma substancial, aproximadamente equivalente n'e suma cu a resta di e evento di Calypso/Roadmarch 2002, despues cu nan a deduci tur nan gastonan for di e suma di Afl. 181.000 cu nan a recibí.

Premiacion a base di e convenio di 1998, tabata ensera "prize-money" na razon di Afl. 33.600.—, compara cu e oferta actual di SAC, cu un total di Afl. 33.600.= manera nos ta splica.

Banda di esei, tur banda, compositor, arreglista incluso cantante cu a participa den pre-final y final ta haya nan recompensa pa nan labor y participacion.

ASOMA den henter e desaro ariba mencionada, no t'esun cu a cuminsa fomenta polemica. Mirando cu dianan tabata bai pasando, sperando riba reaccion di SAC, directiva a apunta un comision negociador pa un eventual dialogo cu lo por tuma lugar.

Loke ta concerni e Tumba, no tin problema, como ta existi un convenio di 5 año, den cual SAC lo haya un total di Afl. 75.000.= sin mester saca un dede. Y nosta cumpli. Lo demas no ta primordial pa nos actualmente.

E tumba a decai, pa cual motibo SAC a deshaci di dje, pasobra segun nan declaracion, ta perdida so nan tin cune. ASOMA a tumbe over. Awor tumba ta creciendo. Kiconos tin di spera ora e convenio aki caduca? = Polemica atrobe? = "El tiempo lo dirá!!!!

Locual si nos ta cuestiona ta, cu e anochi di evento

Calypso/Roadmarch, tabatin alrededor di 8000 mirones of mas den e Joe Laveist Ball Park. Segun calculo di experto di polis, mas cu 10.000. Segun SAC tabatin mas o menos 6000 hende, local no ta cuadra cu e suma di placa cu entrada a genera, na razon di Afl. 25.= pa persona. E rekensom ta facil.

"Doodleuk" e Presidente di SAC a declara na nos cu mas o menos 3000 hende a bula e muraya halto di e sportpark. Imaginabo. Ta unda security pa cual nan tin di paga basta placa, y polis a keda?

Ki ridicules: E proposicion cu nos a haci na SAC, tin como meta:

Evita polemica y manipulacion den futuro.

E unico articulo cu a sali den e corant Diario fecha 11 di januari 2003 cu a scirbi e berdad, t'esun di POPO, cu a duna nos tur razon.

Nos kier spierta nos miembronan di un ke otro, pa despues nan no yora malay. = Un homber, adverti, ta conta pa dos=.

E maniobra haci dor di SAC den nos parecer, ta uno pa desacreditá e imagen di ASOMA, cu e proposito pa tira por santo den wowo di nos musiconan. Te cu año 2002 tur participante tabata haya pida di e bolo.

Nos ta haci un apelacion fuerte na nos miembronan pa aserca boso directiva, pa duna boso en cifras tur informacion corecto, tanto interno como externo. Nos ta dispuesto pa haci esaki pa mustra boso e berdad tras di e manipulacion di SAC.

Naturalmente tin cosnan, cu aunke nan ta destina pa orea di nos miembronan, e noticia ta bai afo. Esaki tambe ta algo cu miembronan mester siña, cu haciendo tal, tin biaha e ta causa mas dño cu bon. Ora cu un miembro tin problema e tin cu acudi serca su directiva, y si esaki no duna resultado, semper tin otro solucion. E asuntonan aki ta bai a base di confianza mutuo, cu ta worde fomenta dor di comunica y asocia cu otro. Asisti n'e reunionnan, no laga pa otro bin contabo. Si bo kier tin voz, zorg pa bo participa.

No laga e directiva hala garoshi pabo, pa despues cu bo nota di acuerdo, bo bin critica. Esaki ta nificacion di e palabra miembrecia.

E directiva aki no ta dicta, pero ta maneha nos organisacion a base di transparencia, democracia y segun regla. Nos paña

sushi mester worde laba na cas, no riba caya. No por t'asina cu nos mes miembronan ta bai den medianan di prensa, radio, television bai lansa critica infunda, negativo, contra nan mes coleganan.

Nos miembronan nan mes mester bai duna mas contenido n'e nificacion di e palabra aki.

Bo ta un miembro, ora bo ta participa realmente den bo organisacion. Di e forma ei bo aporta y logra beneficio como miembro. Atrobe no puntra kico ASOMA por haci pabo, puntra kico abo por haci pa engrandese e organisacion.

Nos ta worde ataca di tur banda, pa motibo di tin biaha ignorancia, of falta di e informacion corecto.

Atrobe, para firme tras di e directiva aki, pasobra nos ta bringando pa boso bienestar, na laga **PLACA** ciega boso wowo. Corda riba e dia di mañan.

ASOMA no ta Carnaval so, pero tin un meta mas grandi cu esei. E oferta luhoso tabata tei. Negociacion a tuma lugar. Kico lo t'e consecuenan, nos no sa. Awor aki kico mas tin na horizonte???? Oferta cu nos directiva tabatin riba mesa, sigur-sigur tabata mas beneficioso pa nos musiconan.

Te ainda tur dia nos ta escuchando na radio television, y lesa den medianan di prensa cosnan negativo den direccion di ASOMA, sin nunca nan ta aserca ASOMA p'e informacion corecto.

Hasta nos ta di opinion cu tin personanan den en medianan menciona cu intencionalmente ta haciendo dño na ASOMA. Ta ki maldad e musiconan a comete contra e hende aki?? Naturalmente no ta tur ta worde califica igual dor ASOMA..

Nos kier termina nos informacion na pueblo y nos musiconan, en especial nos miembronan, sperando cu esaki por sirbi pa pone un fin na speculacion, mentiranan flagrante, criticanan infunda, cu tur dia nos mester scucha via radio, television y lesa den nos medianan di prensa.

NA NOS MIEMBROAN: "UNION TA FORZA"